



Rwama koe molt

**Tana rupa ke
*Stuvatum ke Crakeik tota***

(c) Damien Etcheverry

Xantof krent kan Kotava. Ewaweem daskiyin
gan Copilot TG- talpey.

Xanto : *Stuvatum ke Crakeik tota* ;
Rwama koe molt (3-e otuk, 2026).

Krentara is ponara is piskura skuyuna
gan Damien Etcheverry (2026).

1-e ~ Artlapira ko molt

Darekeon. Dim konaka mewemtafa safta tcabaneyesa va espanaf asuk, Crakeik tota va Santa Marina al djukukallapir, xialason va kobligara is tilderama. Tota va ban grupecken molt vanlapir. Ara tcordafa bovrada, i Bira-vakol ke Blackhook redakik banlize gis va vask, kene vadjukap kum inta viklamar. Detik sorion djukumosidad aze di suskemed ise gu arcoba dam turodayana atela ok abdafa sma di malestud.



2-e ~ Mosidara

Ba siel, Marjorie Oluikya redakik is Mulberry ikaredakik mosidad, dositon gu mon sanoy intaf birelik. Sin kotote tid ervokiraf is xelkas voxe relingason me xialad. Va vadjuk moolanid, kal etol kum inta tervayan gu milunt is dona is riba dem wil. Moe etol, va gubefi tariji dem nistik giltaf koe kot tcordaf molt. Koe bana tamava, metan tir karaf volgunik. Disukera dile tid rusagafa. Uja vamoe bata wida dem mefolixesik soe zo afiar. Kona mista banlize rotir dilizer.



3-e ~ Yorida

Marjorie Oluikya is drig kal « *The Lucky Pirate Inn* » yorida lanid. Radimi banyona saftapa moe bira, sinafa antafa djumera tir estura is ulira is suskera is diliodafa flidera. Yorida tir kotrafa gu ape jontik detik ke *Biravakol* tota stan gan lane ontinafe itenjikyé. Kottan va inaf yolt grupecked : Noel Lechartrain, i francaf tcordik zanon gu Blackhook redakik. Inafa kicegara tir nyagafa. Inye is intaf detiktum tid izakotik fereon tizaf is djukamotcas.



4-e ~ Biwe ta estura

Marjorie Oluikya is intaf bireliktum mo starka keve nuyafa azegapa rundanyad. Gruper da detik va man walis gemelt olegad. Sin va ina ta dere batcoba tarkad. Nekev intafa gaara isu nelkoteem, me kivar da ko mano nistafo is wupesiso xo va sin govandositar. Mulberry va bata yorida grupeper lize inafa nutikya tulon kobar, i jotafi is listafi Betsy wetce zanivasik. Banlize batsielon dye tigr, kalafa gu tolwira va ini is inyon dositik. Lechartrain gu sin djukubelcekar.



5-e ~ Pistolera

Lechartrain ruyatalitas va Betsy figon toz relingar kire va ini gu « intafa dositikya » ke ant int torigir. Ini dulzer da in arliz di gonulir. Draga jortawed, leve loloon griwelidasa modisukera ke Mulberry, ixuyusi pu xonukeyesa berikya weti tandatum da va nutik di viunsuyur ise di ikanendayar. Marjorie Oluikya tir guyafa, pestaleson da liza fu turotawer, dem merotabdiwisa numaca.



6-e ~ Rwama num fortey

Itenjikye va wed su divplekur aze va Mulberry walplekuyusi lasunubemar. Kovudayani Betsy kadime ini al gelber. Yonar birelik ke *Crakeik* tota va imizxa dere divplekud. Nekev popo is bagalapa, Mulberry va felilera va Lechartrain bogerses is yatkarsaf flecupur. To rwama tir, kottode fortey fu divnir.



7-e ~ Bakara

Mulberry va itenjikyē ton gexata mo azega su lajukevplekur ise va ine yalestafe do wed ben berga nubegar. Kadimeon, birelik ke Crakeik tota va telyon ke Biravakol tota rwamad. Voxen lane ayikyē diskise va ebeltaf tantazukot is ticeon tigise moe azekos su westar. Titeon, Marjorie Oluikya divxosayasa va abalt, ben roneepita zo uzar nume mo azega fandizawer. Fortey bimiler, bakaks nutir gorestaf. Kottan va westasik al pilkomodar : va Blackhook redakik, i va vogadayas volnik ke Marjorie Oluikya vewayasa va inafa abdugara.



8-e ~ Ksid

Mulberry is detiktum va yorida vawelon su lajudivlanid. Va Marjorie Oluikya redakik goleston bakayan vox ware jilaf re viunsud. Radimida tugilavatson va fortey, va inafa roneepita flioton nokeyed, pune va ina moe deolaf ksid su inked enide kal tota di rorembured. Miel re tir ebeltarsaf, anton koafian gan gumka ke birelik. Lechartrain xonukeyer. Toka sawa ke liza fu tir ?



9-e ~ Jaxadas tey

Moe luwin ksid, Marjorie Oluikya riwe mejilafa, va jaxadara ke intaf dagaf detiktum vol ronyokar. Mulberry va koteyara va emaxe tigise moe etol su benplekur lize grupecker da Blackhook va pakap ke elakera isu koilkara abdaraykar. Teyka va kelt koafiad. Batvielu geja wal tcordiktum ke *Crakeik* tota is tel ke *Biravakol* en zo dakter. Toklize dilizeter ? Ise tokviele ?



10-e ~ Tildera

Keson, Marjorie Oluikya ko intafa ilpega ke *Crakeik* tota zo rembureyer. Va taneafa ropera al kazawar isen gasupexa zo betayad. Inaf tantazukot kretsayan gu fortney ben nikoy kadi-meon al zo rumkar. Leve rubafa disukera ke ronkafi Mulberry, inton latildemer neke nutir wiyafa, nekev merotarutena levegana zauzera.

Rem viplug, va sumeon emaxe ke Santa Marina ware anteyawese is tuafiase va miel kozwit.

